



Doris Jakobsen Jensen
Inatsisartunut ilaasortaq, Siumut

KNR pillugu – § 37 naapertorlugu apeqqutip nr. 93/2022-p akineqarnera

19-05-2022
Suliap normua. 2022 - 10358
All. nr. 20014715

Asasara Doris J. Jensen,

Postboks 1029
3900 Nuuk

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Oqarasuaat: +299 34 50 00
Email: ikin@nаноq.gl
www.nаноq.gl

Apeqqut 1: KNR-mut aningaasaliissutit sumut atorreqartarpat?

Akissut:

KNR-ip 2003-miit 2021 ilanngullugu ukiumut naatsorsuutai KNR-ip nittartagaanut aaneqarsinnaapput. 2012-imiit 2021-mut kisitsisit pingaarnerit ilanngunneqarput, matumani KNR-ip piffissami tassani aningaasanik atuinera takuneqarsinnaalluni. Tassunga atatillugu aamma takuneqarsinnaavoq aningaasat qanoq amerlatigisut assigiinngitsunut atorreqarnerisut.

Apeqqut 2: Ukiuni kingullerni tallimani piffinni radioqarfinnit piffinilu TV-qarfinnit aallakaatitaassianut aningaasat qanoq annertutigisut KNR-p missingersuutitut ivertillugillu atorpai?

Akissut:

Innuttaasunut kiffartuussinissamik isumaqatigiisummi (tamatumaa kingorna kiffartuussinissamik isumaqatigiisut) KNR Kalaallit Nunaanni avataanit tunisassiorit tunisassianik pisisassasoq isumaqatigiisutigineqarsimavoq. Kiffartuussinissamik isumaqatigiisut naapertorlugu KNR piffissami 2016-2018-imi radiokkut aallakaatitassanik 70 tiiminik aamma 2019-imiit ulloq manna tikillugu radiokkut aallakaatitassanik 75 tiiminik kiisalu 2017-imiit 2019-imut TV-kkut aallakaatitassanik 105 tiiminik aamma 2020-miit ulloq manna tikillugu 100 tiiminik ukiumut pisisussaasimavoq.

Katillugit kiffartuussinissamut isumaqatigiisut naapertorlugu ukiuni kingullerni tallimani KNR avataanit tunisassianik radiokkut aallakaatitassanik katillugit 360 tiiminik kiisalu avataanit tunisassianik TV-kkut aallakaatitassanik 515 tiiminik pisisussaasimavoq.

KNR ukiuni kingullerni tallimani avataanit tunisassianik radiokkut aallakaatitassanik 883 tiiminik aamma avataanit tunisassianik TV-kkut aallakaatitassanik 715 tiiminik pisisimavoq. KNR taamaalilluni kiffartuussinissamut isumaqatigiisummi tiimit piumasaqaatigineqartunut sanilliullugit radiokkut aallakaatitassanik 523 tiiminik amerlanerusunik aamma TV-kkut aallakaatitassanik 200 tiiminik amerlanerusunik pisisimavoq.

Taamaattorli KNR-ip ilisimatitsissutigisimavaattaaq KNR 2020-mi coronamik nunarsuaq tamakkerlugu tuniluuttoqarnerani kiffartuussinissamut isumaqatigiisummi TV-kkut aallakaatitassanut tiimit innersuussutigineqartut eqquutsissinnaasimanagit, avataanit tunisassiorlut katillugit 53 tiiminik taamaallaat tunisassiorsinnaasimammata. Illuatungaani KNR-ip avataanit tunisassianik radiokkut aallakaatitassanik 125 tiiminik amerlanerusunik pisisimavoq taamaalillunilu radiokkut aallakaatitassat 200 tiimit pisiarinqarsimallutik, naak kiffartuussinissamut isumaqatigiissut naapertorlugu 75 tiimit isumaqatigiissutigineqarsimagaluartut.

2021-mut tunngatillugu KNR TV-kkut aallakaatitassanik tiiminik kiffartuussinissamik isumaqatigiisummi tiimit aalajangerneqarsimasunit ikinnerusunik aamma pisisimavoq, KNR-ip tamatumunnga Inatsisartunut 2021-mi qinersineq pissutaanerarsimavaa. Inatsisartunut qinersineq KNR-imut 900.000 kr.-nik akeqarsimavoq, aningaasallu ingerlatsinermi aningaasartuutaasussaasimallutik. Taamaattumik qineqqusaarnerit nalaanni avataanit tunisassiasat pilersaarutigineqartut KNR-ip annikillisariaqarsimavai. KNR-illi illoqarfanni arlalinni avataanit tunisassiorlutik teknikerinillu, qinersinerlut ataatillugu ataatsimiinnerit ingerlannissaannut ikiuuttussanik, taamaalillutillu KNR-ip tunisassiorneranut ikiuunnerminnut akunnermut akissarsisimasunik atuisimanera eqqaaneqassaaq.

Avataanit tunisassianik pisinerit pillugit paasissutissat tullinnguuttut KNR-ip nassiussimavai, tabeli ataaniittoq takuuk:

Avataanit tunisassianik pisinerit

2017

Immikkoortortaqqarfik	Piviusunngortut	Missingersuutit	Nikingassut
Radio	735,344.80	428,000.00	- 307,344.80
Nutaarsiassat	796,456.50	1,000,000.00	203,543.50
TV	4,647,982.60	5,050,000.00	402,017.40
Katillugit	6,179,783.90	6,478,000.00	298,216.10

2018

Immikkoortortaqqarfik	Piviusunngortut	Missingersuutit	Nikingassut
Radio	796,180.00	830,000.00	33,820.00
Nutaarsiassat	1,003,052.00	840,000.00	- 163,052.00
TV	4,242,925.65	4,305,000.00	62,074.35
Katillugit	6,042,157.65	5,975,000.00	- 67,157.65

2019

Immikkoortortaqqarfik	Piviusunngortut	Missingersuutit	Nikingassut
Radio	858,948.00		-

		739,768.00	119,180.00
Nutaarsiassat	880,850.00	857,995.00	- 22,855.00
TV	3,226,345.25	4,051,472.41	825,127.16
Katillugit	4,966,143.25	5,649,235.41	683,092.16

2020

Immikkoortortaqaarfik	Piviusunngortut	Missingersuutit	Nikingassut
Radio	1,056,260.00	584,000.00	- 472,260.00
Nutaarsiassat	242,814.00	840,000.00	597,186.00
TV	2,675,269.00	3,502,500.00	827,231.00
Katillugit	3,974,343.00	4,926,500.00	952,157.00

2021

Immikkoortortaqaarfik	Piviusunngortut	Missingersuutit	Nikingassut
Radio	542,467.05	490,000.00	- 52,467.05
Nutaarsiassat	346,389.03	240,000.00	- 106,389.03
TV	2,601,845.83	3,117,500.00	515,654.17
Katillugit	3,490,701.91	3,847,500.00	356,798.09

Kisitsisini siulianiittuni apeqqutip pingajuanni tullinguuttumi kisitsit erseqqissarneqanngitsut ilaapput.

Apeqqut 3: Ukiuni kingullerni tallimani piffinni radioqarfinnit piffinilu TV-qarfinnit aallakaatitaassianut pisinermiit naatsorsoqqissaakkat takorusuppakka.

Akissut:

KNR-ip najukkami TV-kkut aamma najukkami radiokkut aallakaatitassianik ukiuni kingullerni tallimani pisianik kisitsisitigut paasissutissat tullinguuttut nassiussimavai:

Najukkami radio	Aasiaat tusaat/TV	Qeqertarpaat radio	Katillugit
2017	50,015.00		50,015.00
2018		73,200.00	73,200.00
2019		150,800.00	150,800.00
2020		122,400.00	122,400.00
2021		136,000.00	136,000.00

Najukkami TV	Nanoq media	Sisimiut TV	Arfivik TV

2017	50,000.00	635,010.00	126,843.75	811,853.75
2018	461,940.00	667,070.00	273,050.00	1,402,060.00
2019		459,885.00	111,000.00	570,885.00
2020	27,057.00	530,900.00	2,800.00	560,757.00
2021	125,400.00	376,200.00		501,600.00

Apeqquut 4: *TV-kut isiginnaartartut radiokkullu naalaartartut siusinnerusukkutulli annertutigusumik piffinni radioqarfinnit TV-qarfinnillu aallakaatitassianik tusarnaarsinnaajunnaarlutillu isiginnaarsinnaajunnaarput. Tamatumunnga suna pissutaava?*

Akissut:

Tamanna piginnittussaataaernerut tunngatillugu ajornartorsiutinut tunngasoq KNR-ip ilisimatitsissutigisimavaa. KNR-ip najukkami radiomik TV-millu suliffeqarfinnit tunisassianik siusinnerusukkut aallakaatitassianik killilimmik aallakaatitseqqittarneranut pissutaasutuaq tassaavoq KNR-ip aallakaatitassianut taakkununga piginnittussaataaannginnera taamaalillunilu inatsit naapertorlugu taakku aallakaateqqinnissaannut akiliisussaataanera. KNR-ip aningaasat avataanit tunisassiorunit aallakaatitassiornerut nutaanut salliutippai taamaalillunilu kiffartuussinissamut isumaqatigiisummi piumasaqaataasut eqquutsillugit.

Taamaattorli KNR-ip avataanit tunisassiat ukiup ingerlanerani suli aallakaateqqittarpai, KNR-illu piginnittussaataanerit pisiarisimangikkaangamigit tunisassiorut tamatigut akissarsitineqartarput.

Apeqquut 5: *Radiokkut TV-kullu aallakaatitat tamatigoortuunissaat KNR-mut inatsisitigut piumasaqaataavoq, aallakaatitakkani qanoq annertutigisut piffinni radioqarfinnit TV-qarfinnillu aallakaatitassiaappat?*

Akissut:

Aallakaatitakkat tamatigoortuunissaannut tunngatillugu KNR-ip radiomik TV-millu ingerlatsineq pillugu inatsimmi aamma kiffartuussinissamut isumaqatigiisummi immikkoortortat taaneqartut malittarpai, soorlu Meeqqanut inuusuttunullu, Eqqumiitsuliorneq kulturilu, Timersorneq, nutaarsiassat maannalu sammisat, atuartitsineq, peqqinnissaq kiisalu aallakaatitassiat danskisoortut/nutsikkat kiisalu assersuutigalugu nipilersuutit eqqarsaatigalugit nipilersoriaatsit.

KNR-ip taamatuttaaq ilisimatitsissutigisimavaa Kalaallit Nunaanni avataanit tunisassiat amerlanerujussuit Nuup avataaneersunit tunisassiarineqartartut. Ilassutigineqarporli KNR-ip tunisassiorut ataasiakkaat qanoq neriorsuuteqarsinnaanerit eqqumaffiguartariaqarai. Tunisassiat taakku amerlanertigut inunnit ataasiakkaanit imaluunniit tunisassiornermik ingerlatseqatigiiffinnit mikisuaqqanit suliarineqartarput, KNR-ili assersuutigalugu teknikikkut ikorfartuinermik, atortorissaarutinik imaluunniit producereqartitsinermik assiliisartoqartitsinermillu tamatigut ikiuuttarpoq.

Tamatuma saniatigut KNR-ip ilisimatitsissutigisimavaa ukiumi ingerlasumi sinerissami illoqarfinit assigiinngitsunit aallakaatitassianik amerlanerusunik tunisassiorsimallutik, tassunga ilanngullugu eqqaaneqarpoq TV-kkut Appilaaruk, matumani sæson ilivitsoq Sisimiuneersuneersuulluni kingornalu sæsonip tulliani Ilulissaneersuulluni. Aallakaatitassiaq Qangattaq aamma ukiuni kingullerni marlunni illoqarfinit tallimaniissimavoq-arfinilinniissimavoq, ilaatigut Tasiilamiissimalluni.

KNR-ip taamatutaaq ilanngussimavaa kulturimut tunngatillugu aallakaatitassiaq Illeq aamma illoqarfinit assigiinngitsuni ingerlanneqarsimasoq kingullermillu sapaatit akunnerani 18-imi Qaqortumiit marloriarluni aallakaatinneqarsimalluni. Avannaata Qimussersuata ingerlanneqarneranut atatillugu KNR-ip iluatsillugu Illerup toqqaannartumik Qasigiannuanit aamma suliarisimavaa.

KNR-ip tamatuma saniatigut ilisimatitsissutigisimavaa KNR-radio sulisunik ukiut tamaasa sineriammukartitsisartoq, matumani sapaatit akunnerani piffimmi inuuneq malinnaavigineqartarluni. Meeqqanut inuusuttunullu aaqqissuisoqarfik aallakaatitassanik suliaqarniarlutik majimi kujataanut angalassapput, taakanilu aamma ukiamut aallakaatitassianik suliaqarumarlutik.

KNR-illi nassuerutigaa kissaatigisamisut annertutigisumik sineriammukartarsinnaanatik. KNR-ip ilannguppaa tamanna aningaasaqarnikkut pingaarnersiunermit tunngatillugu apeqqutaasoq.

Apeqqut 6: *Piffinni radioqarfiit TV-qarfiillu KNR-mut annikitsuinnarmik tunisassiortarput, KNR-mmi aallakaatitaasa amerlanerpaartaat Nuummit aallaaveqarput. Inatsisitigut tamatigoortuunissamik piunasaqaat qanoq KNR-p qulakkiilersaarpaa, taamaalilluni KNR-p piffinni radioqarfinit TV-qarfiillu aallakaatitassianik pisineratigut sineriammit aallakaatitassiaqartarneq qularnaarneqarfsinnaaqqullugu?*

Akissut:

Piffinni radioqarfiit TV-qarfiillu peqatigiiffii piusut aallakaatitassarsiorsinnaappata suli isumaginarneqarumaartut KNR-ip ilisimatitsissutigisimavaa, soorlu KNR maannamut taamatut iliorsimasoq. Assersuutigalugu KNR ukiuni arlalippassuarni Qeqertarpaat Tusaataannik pitsaasumik pissarsiaqarluarnartumillu suleqateqarsimavoq, pineqartut peqatigalugit isumaqatigiissutit naapertorlugit KNR-imut pitsaasunik aallakaatitassiorarluni. KNR-ip tamatuma saniatigut ilisimatitsissutigisimavaa, KNR-ip siunissami kiffartuussinissamut isumaqatigiissummi Radiomut TV-mullu tiimit aalajangerneqarsimasut tunniuttalissagai ajornanngikkaangallu sinerissami piffinniikkaanni iluatsillugu sinerissamit aallakaatitassanik misilillugu suliaqartoqartassasoq. Assersuutigalugu Avannaata Qimussersuanut allalluunniit annertuut ingerlanneqarnerannut atatillugu, soorlu ukioq kingulleq inuiattut ullorsiorneq Ilulissanit toqqaannartumik KNR-imit aallakaatinneqartoq.

KNR-ip tamatumunnga ilanngullugu ilisimatitsissutigisimavaa aallaaviatigut avataanit sineriammeersut Nuummeersuunngitsullu tunisassiat pisiarineqartartut. KNR taamaalilluni ukiuni kingullerni tallimani Kalaallit Nunaanni avataanit tunisassiortunut, taakkununga ilanngullugit radioqarfiit TV-qarfiillu peqatigiiffiit, suli

tunniussaqaarsinnaasunut tunisassiorsinnaasunullu 24 millioner kr.-t sinnerlugit akiliisimavoq.

Apeqquut 7: *Ukiuni talliamni tullerni piffinni radioqarfinnit TV-qarfinnillu aallakaatitassanik pisortortarneq KNR-p qanoq pilersaaruteqarfigaa?*

Akissut:

Radioqarfinnik TV-qarfinnillu tunisassiorartut ikilisimmata KNR piffinni radioqarfiit TV-qarfiillu peqatigiiffiinit imaluunniit NTK-mi ilaasortanit taamaallaat pisiortorunnaarnikuusut KNR-ip ilisimatitsissutigisimavaa. Matumunnga pissutaasoq tassaavoq TV-qarfiit peqatigiiffiinit ukiumut TV-mut 100 tiiminik radiomullu 75 tiiminik suliaassanik isumaginnissinnaasunik peqannginnera. KNR-illi kiffartuussinissamut isumaqatigiissummi Kalaallit Nunaanni avataanit tunisassiorunit pisisarnissamut aalajangerneqarsimasut malittussaavai.

Apeqquut 8: *KNR-p Nunatsinnilu Tusagassiutulerisut Kattuffiata (NTK) akornanni suleqatigiinnissamik isumaqatigiissuteqartoqarpa NTK-p soqutigisaanik isumannaarisunik? Naamiuppat, KNR qaqugu NTK-mik taamaattumik suleqatigiinnissamik isumaqatigiissusiulersaarpa?*

Akissut:

NTK-p KNR-illu akornanni suleqatigiinnissamut akinullu maannakkut isumaqatigiissuteqartoq KNR-ip ilisimatitsissutigisimavaa. Tunisassiorut allat nunatsinniittut akinut tunngatillugu isumaqatiginiarnerini isumaqatigiissut taanna KNR-ip atortarniarpa.

Apeqquut 9: *KNR-p NTK-mik qaninnerusumik suleqateqarneq aallarteqqilersaarpa?*

Akissut:

NTK ullumikkut piffimmi radioqarfinni tv-qarfinnilu peqatigiiffinnik arlaqanngitsunik kattuffiuvoq KNR-ip suleqatigeriigaa, apeqquummut nr. 8-mut akissut takuuk.

KNR-ip ilisimatitsissutigisimavaa, NTK-mik siunissami qanimut suleqateqarnissamut apeqquut akiuminaassinnaasoq, ilaasortat qanoq tunisassiorsinnaatiginerat apeqqutaangaatsiarmat tamannalu eqqarsaatigalugu KNR-ip kattuffiup ilaasortai tamarmik ilisimaqqissaanngimmagit. KNR-ip tassunga atatillugu ilisimatitsissutigisimavaa ilaasortat akunnernik maannakkumit amerlanerusunik tunniussaqaarsinnaannginnerat ajornartorsiutaasoq, Qeqertarpaat Tusaataat eqqaassanngikkaanni. Illoqarfiit nunallu immikkoortuini piffiit amerlanerusut akornanni paasissutissat siammarterniarlugit KNR-ip ullumikkut pisiortorfigisartagariikkaminik suleqateqarluarnini sulii annertusarusuppa.

KNR-ip tamatuma saniatigut ilisimatitsissutigisimavaa, radioqarfinni tv-qarfinnilu peqatigiiffiit ukiorpassuarni pitsanngorsarniarneqartarsimasut, matumani attaveqatigiinnerit pilersinneqartarsimallutik ilaatigullu illoqarfigisaannit aalajangersimasumik tunniussaqaartarnissaannut isumaqatigiissusiortoqartarsimalluni. KNR-ip tamatumunnga atatillugu oqaatigisimavaa, pilersuisartut annertussutsit aaqqissuisuniillu piumasaqaatit eqqarsaatigalugit isumaqatigiissutinut malinnissinnaasimangitsut.

Nuummi radioqarfiit marluusut tunniussisarnissaat pillugit suleqatigineqanngitsut KNR-ip taamatuttaaq oqaatigisimavaa, KNR Nuummit amerlasuunik aallakaatitassaateqareermat. KNR-ip sineriammit, assersuutigalugu Maniitsumit, Sisimiunit Aasianniillu tunisassioartartunik allanik aalajangersimasumik suleqateqarnini ilanngussimavaa, taakku siuliani taaneqareersutut sapaatip akunnikkaartumik tunniussaqaqtarput suleqatigiinnerlu pitsaasuulluni patajaatsuullunilu.

Inussiarnersumik inuulluaqqusillunga



Peter Olsen

KNR Årsregnskabstal 2012 til 2021

	2012	2013	2014	2015	2016	2017	2018	2019	2020	2021
INDTÆGTER										
Tilskud	62.521.000	68.402.000	70.779.000	68.077.000	77.079.000	67.961.000	68.284.000	67.824.000	68.043.000	68.643.000
Andre indtægter	4.384.000	4.140.000	4.074.000	5.067.000	5.080.000	5.589.000	7.623.000	5.970.000	4.798.373	5.632.104
INDTÆGTER I ALT:	66.905.000	72.542.000	74.853.000	73.144.000	82.159.000	73.550.000	75.907.000	73.794.000	72.841.373	74.275.104
OMKOSTNINGER:										
Løn	-43.880.000	-38.886.000	-40.241.000	-43.353.000	-42.424.000	-43.337.000	-43.400.000	-44.408.000	-46.693.983	-48.550.707
Honorar	-3.306.000	-2.296.000	-3.823.000	-8.098.000	-7.705.000	-8.410.000	-8.807.000	-7.702.000	-6.480.317	-5.398.672
Personaleomkostninger	-1.801.000	-1.364.000	-1.712.000	-2.320.000	-2.627.000	-2.355.000	-1.529.000	-2.031.000	-2.096.232	-1.622.262
Produktionsomkostninger	-1.719.000	-3.818.000	-4.035.000	-2.113.000	-1.771.000	-2.179.000	-3.154.000	-3.699.000	-1.847.524	-3.060.647
Kontrakter og forpligtelser	-2.756.000	-2.208.000	-2.957.000	-3.530.000	-3.172.000	-3.073.000	-3.695.000	-3.419.000	-2.962.400	-3.231.647
Administration	-732.000	-3.761.000	-4.771.000	-1.805.000	-1.596.000	-2.316.000	-1.686.000	-1.926.000	-1.035.296	-1.181.166
Bil og taxaomkostninger	-496.000	-387.000	-590.000	-508.000	-907.000	-472.000	-481.000	-916.000	-390.090	-376.851
Materiel og IT	-5.266.000	-7.348.000	-6.478.000	-5.357.000	-7.199.000	-12.523.000	-7.407.000	-6.973.000	-6.050.807	-7.043.540
Bygningers drift	-2.188.000	-5.884.000	-8.672.000	-5.408.000	-5.232.000	-5.119.000	-5.626.000	-6.240.000	-5.869.989	-6.291.750
OMKOSTNINGER I ALT:	-62.144.000	-65.952.000	-73.279.000	-72.492.000	-72.633.000	-79.784.000	-75.785.000	-77.314.000	-73.426.638	-76.757.243
Finansielle poster	-889.000	-651.000	-650.000	-226.000	-8.000	26.000	39.000	-11.000	-147.541	-83.233
RESULTAT	3.872.000	5.939.000	924.000	426.000	9.518.000	-6.208.000	161.000	-3.531.000	-732.806	-2.565.372
Lønninger ifh til tilskud i pro	-70,2	-56,8	-56,9	-63,7	-55,0	-63,8	-63,6	-65,5	-68,6	-71
Lønforskelle pr år til år i kr.	0,0	- 4.994.000	1.355.000	3.112.000	- 929.000	913.000	63.000	1.008.000	2.285.983	1.856.724